



basic education

Department:  
Basic Education  
REPUBLIC OF SOUTH AFRICA

## **DITLHATLHOBOTSA NGWAGA LE NGWAGA TSA BOSETŠHABA 2015 KAEDI YA DITEKO SETSWANA PUO YA GAE MOPHATO 1**

### **MATSENO**

Tsheko ya 2015 ya diteko tsa Ngwaga le Ngwaga tsa Bosetšhaba (ANA 2015) e tla diragadiwa mo dikolong tsotlhe tsa puso le tse di ikemetseng go tloga ka 2015. Mo pakeng eo barutwana botlhe ba ba mo mephatong ya 1 - 3 ba tla kwala diteko tsa bosetšhaba tsa Dipuo le Dipalo. Dipholo di tla dirisiwa go dira pegelo ya tswaletso tebang le go fitlhelela maikaelelo a leano la Tsamaiso ya Thuto la 2015 go ya Thutong ya 2025.

Diteko tsa ANA di tla kwalwa mo nakong ya kgweditharo ya boraro ya sekolo, ka jalo Lefapha Thuto ya Motheo (DBE) le dirile ditokomane tsa dikaedi tsa ditlhatlhobo tse di neetsweng mophato le serutwa sengwe le sengwe (Dipuo le Dipalo). Kaedi e e thadisa bonnye diteng tsa kharikhulamo tse di tshwanetseng go diragadiwa ke barutwana botlhe pele ga go kwalwa ga teko. Kaedi e neelana ka tekanyetso ya thulaganyo ya tiro e e tla akarediwang mo tekong ya mophato le serutwa sengwe le sengwe. Dikaedi tsa teko di tlhalosa tiro e e tla akarediwang mo ditekong tsa mophato mongwe le mongwe le serutwa sengwe le sengwe. Kaedi ya Diteko Tsa Ngwaga le Ngwaga tsa Bosetšhaba tsa 2015 (ANA 2015), e rulagantswe go ya ka lenanethuto la Kgato Motheo le le dirisiwang.

### **KGATO MOTHEO**

Mo Mephatong ya 1- 3 diteko di tla akaretsa tiro e e beetsweng dikgweditharo tsa ntlha tsa ngwaga wa dithuto. Mo mephatong e, dikaelo di rulagantswe mo dikholomong di le tharo le mo meleng. Mo moleng o o neilweng, karolo ya bokgoni e e tla tlhatlhobiwang e totobetse mo kholomong ya ntlha, diteng tse di tlhatlhobiwang di totobaditswe mo kholomong ya bobedi, /bokgoni jo bo totobetseng jo bo tlhatlhobiwang bo supilwe mo kholomong ya boraro.

Go botlhokwa go lemoga gore Kaedi ya ANA 2015 ga e reye gore tiro e e lekanyeditsweng mo thulaganyong ya Kaelo ke yona fela e e tshwanetseng go rutwa le go ithutwa mo ngwageng o wa dithuto. E raya gore thulaganyo ya Kaelo e akaretsa fela bonnye lenanethuto le le tshwanetseng go ka fitlhelelwa kwa bofelong jwa kgweditharo ya boraro ya sekolo.

Barutabana ba solofetswe go dirisa dikaedi mmogo le dithusathuto tse dingwe mo manaaneong a bona a go ruta le go tlhatlhoba.

BOKGONI	DITENG TSE DI TLHATLHOBILWENG Go tlathloba gore a moithuti o kgona go:	BOKGONI JO BO TOTOBETSENG
PUIISO LE MEDUMOPUO	Lemoga kamano ya tlhaka le modumo e e emeng e le nosi	Tlhaola medumo ya ditlhaka
	Lemoga kamano ya tlhaka le modumo e e emeng le nosi	Nyalanya setshwantsho le lefoko
	Kwala leina le le bonolo la setshwantsho.	Bopa mafoko a a nang le ditlhaka di le 3
	Bontsha go tthaloganya kgang, mme o tthaole dintlha ka bottlalo.	Bontsha go tthaloganya kgang, mme o tthaole dintlha ka bottlalo.
	Bontsha go tthaloganya kgang, mme o tthaole dintlha ka bottlalo.	Bontsha go tthaloganya kgang, mme o tthaole dintlha ka bottlalo.
	Bontsha go tthaloganya kgang, mme tthaole tatelano ya ditiragalo.	Bontsha go tthaloganya kgang, mme tthaole tatelano ya ditiragalo.
	Tlhaola tiragalo le lebaka mme o arabe dipotso tse di kwalegileng le tse di bulegileng.	Tlhaola tiragalo le lebaka
	<i>Bopa mafoko o dirisa modumo o le nosi o o ithutileng. (kgweditharo 2)</i>	Kwala leina setshwantsho.
	Bontsha kitso ya go tthaloganya : sk bogolo kgotsa popego	Tlhophisa setshwantsho se se maleba go bontsha fa o tthaloganya.
	<i>Nyalanya setshwantsho le polelo e e nepagetseng.</i>	Buisa medumopuo mo di polelong. (kgweditharo 2+3)
	Dirisa maina ka nepagalo fa o kwala (sk monna)	Bontsha kitso ya maina.
	Dirisa maina ka nepagalo fa o kwala (sk mosadi)	Dirisa maina a a bonolo fa o kwala (e tsamaisane le medumo sk.mosadi)
GO KWALA LE MOKWALO	Dirisa ditlhakakgolo le khutlo.	Kwalolola polelo o dirisa tlhakakgolo le khutlo.
	Kwala mafoko go bopa dipolelo o dirise medumo e o e ithutileng le mafoko a a tlwaelegileng a a bonwang.	Kwala setlhogo sa sethalo kgotsa setshwantsho
	Kwala ditlhaka go bopa mafoko a makhutswane le dipolelo tse bonolo.	Kwala dipolelo di le 2 ka setshwantsho.

RUBURIKI YA POTSO 10.2			
0 Maduo	1 Leduo	2 Maduo	3 Maduo
<ul style="list-style-type: none"> <li>Ga gona maiteko a a dirilweng.</li> <li>Okopolotse ditaelo.</li> <li>O kwadile bontlhabongwe jwa polelo.</li> <li>O kwadile mafoko a a sa tsamaisaneng le setshwantsho</li> </ul> <p>.</p> <ul style="list-style-type: none"> <li>Polelo e le nngwe fela e e sa tsamaisaneng le polelo.</li> </ul>	<p><u>Ikgatholose diphoso tsa mopeleto le tsa thutapuo.</u></p> <ul style="list-style-type: none"> <li>O kwadile dipolelo di le 2 tse di sa tsamaisaneng le setshwantsho.</li> </ul> <p><b>Kgotsa</b></p> <ul style="list-style-type: none"> <li>O kwadile polelonolo e le 1 e e tsamaisanang le setshwantsho.</li> </ul>	<p><u>Ikgatholose diphoso tsa mopeleto.</u></p> <ul style="list-style-type: none"> <li>O kwadile dipolelo di le 2 tse di maleba, fela din a le diphoso tsa mopeleto le/kgotsa tsa diphatla magareng a dipolelo.</li> </ul> <p><b>Kgotsa</b></p> <ul style="list-style-type: none"> <li>O kwadile polelo e le 1 e e tsamaisanang le setlhogo mme a dirisitse lekpanyi.</li> </ul>	<ul style="list-style-type: none"> <li>O kwadile dipolelo di le 2 tse di maleba tse di senang diphoso.</li> </ul>